

順德縣續志
二十四卷

附郭志列誤二卷

己巳年鐫

續修順德縣志序

府縣志體例乾嘉而後日臻詳密武功靈壽文章雖工椎輪大輅而已我邑郭志成於咸豐癸丑頗賅洽距今又七十餘年議修而復輟者屢矣宣統辛亥後迭經變亂官檔焚燬殆盡文獻無徵歲在壬戌周縣長之貞倡議續修旋去任冬馮縣長葆熙集士紳議公舉李君彝坤周君廷幹黃君敏孚龍君建章等總司其事由青雲文社月撥白金二百圓爲常年費不足勸各鄉紳富捐助局增設城內表忠祠於十二月開辦盧君乃潼走相告乃參酌南番志局採訪條例刊發格式令各鄉分門填注詎地方多故盜賊充斥紳耆星散志局又爲籌餉局借用遷延者兩載乙丑夏遷局順城義倉李龍二君先後捐館籌措益難周君廷幹年七十餘勇於赴義引爲

順德縣志

序

已責與黃君敏孚協商請周君憲成先測繪十區輿圖潘君鼎亨鈎稽舊志蒐遺訂誤陳君官韶曾君廣瀛龍君肇堤羅君寶焜協力勸捐但比年災歉勢成弩末涓滴奚補隨商由民團局長吳君仁湖於畝捐補水項下歲撥萬金志局常費基礎乃定不料丙寅歲杪有人思攫此款四播謠言誣以不軌囑登趙縣長植芝勒令停辦復將局欵批撥別用幸民團局長蘇君延概持正抗阻丁卯三月邑人集議呈訴當道七月始奉批准續辦限十八閱月全書告竣伏思此次纂輯之難其大事如咸豐甲寅土匪之變丁巳英法入城之役光緒甲午中日戰後營汎釐稅之增併巡警學校一切新政之繁興遞年西濼日亟各鄉基圍之建築端緒繁雜自檔冊散佚私家撰述亦罕完書耆舊淪喪士民流散迄今十有八年朱

能復業雖世家子弟不能自述其祖父行狀而山林遺逸懣
德幽光更無從蒐討各鄉繳呈訪冊均極簡畧纂修者無所
取材幸賴同事諸公各盡心力分任其責而所得止此局外
弗察或責以曠時糜費第失今不圖老成彫謝以後更難著
手但使百年掌故粗存萬一始待後賢蒐補云爾

藻翔避亂

授徒海島承諸公不棄讜陋郵寄志稿屬參校樂觀厥成附

名簡末有榮寵焉己巳正月邑人何藻翔識

順德縣志

序

二

續修順德縣志職名

倡修

順德縣 縣 長周之貞

順德縣 縣 長馮葆熙

總董局務

廣西貴縣知縣前翰林院庶吉士李彝坤

翰林院 檢 討周廷幹

直隸 卽用知縣進士黃敏孚

郵傳部 參議進士龍建章

協理局務

廣西 卽用知縣進士張雲翼

陝西白河縣知縣舉人陳官韶

順德縣志

卷

職名

一

揀選知縣舉人梅友容

湖南補用知縣署興寧縣事舉人曾廣瀛

分省補用鹽大使舉人何煥恩

福建補用知府副貢龍肇墀

兩廣優級師範學堂畢業生溫仲良

總纂

吏部文選司主事進士周朝槐

外務部員外郎進士何藻翔

翰林院編修湖南道監察御史歐家廉

內部員外郎舉人盧乃潼

分纂

內閣中書進士梁聯芳

澄邁縣教諭舉 人勞熾增

民政部主事舉 人梁元任

內閣中書舉 人龍應奎

禮部主事優 貢蘇寶盃

分纂兼編輯

分省補用鹽大使舉 人溫重怡

廣西直州判奏獎拔 貢伍頌圻

分纂兼編校

候選訓導附貢 生潘鼎亨

分校

生 員伍樹楫

奏獎拔 貢陳器範

順德縣志

卷

職名

二

太常寺典 簿游澤文

廣東試用典 史龍 霽

京師高等實業學堂預科畢業生周慶彭

繪圖

廣東測繪學堂畢業生奏獎優 貢周憲成

收掌

候選訓導附貢 生羅寶焜

一區采訪

湖北試用直州同舉 人李慶朝

內閣中書舉 人羅慶榮

揀選知縣舉 人羅邦翊

生 員龍斯濂

二區采訪

江西試用知縣舉 人梁錫祥

生 員何榮一

生 員周圖瑞

三區采訪

生 員歐斯舉

生 員周天衢

四區采訪

四川補用知縣舉 人梁榮祥

奏 獎 副 貢朱錫鑿

五區采訪

廣西試用知縣舉 人區應庚

順德縣志

卷

職名

三

廣西遷江縣知縣舉 人陳祥和

六區采訪

附 貢 生曾師鞏

生 員吳文昂

七區采訪

民政部主事舉 人黃鳳藻

分省補用鹽大使舉 人溫重怡

八區采訪

副 貢麥國章

生 員麥慶宸

九區采訪

生 員歐陽鼐

順德縣續志目錄

卷一

輿地略 十區緣起 山川 風俗 物產

卷二

建置略一 礮臺 倉儲 局廠 善堂義塚附
學宮 學堂 書院社學 文社

卷三

建置略二 團局公約 商會附 廟祠 教堂附
橋梁 石路附 津渡 墟市

卷四

建置略三 隄築

卷五

經政略一 丁口 田賦 圖甲表附

卷六

順德縣志

目錄

經政略二 雜稅 雜支附 鹽法 兵防 禁令

卷七

職官表一 文職

職官表二 武職

卷八

選舉表一 薦舉 進士 舉人 五貢 學堂獎勵附

選舉表二 武進士 武舉

卷九

封蔭表 封贈 襲蔭

卷十

仕宦表 文職 武職

卷十一

節孝表一 咸豐朝 同治朝 光緒朝 宣統朝

節孝表二 旌年失考 未旌

卷十二

耆壽表一 壽民

耆壽表二 壽婦

卷十三

勝蹟略 城寨 署宅 泉石 坊表
祠廟 墳墓 寺觀

卷十四

藝文略 經 史 子 集

卷十五

金石略

卷十六

順德縣志

目錄

列傳一 職官

卷十七

列傳二

卷十八

列傳三

卷十九

列傳四

卷二十

列傳五

卷二十一

列傳六 列女

卷二十二

列傳七 寓賢

卷二十三

前事略

卷二十四

雜志

卷未附

郭志刊誤二卷

捐冊

右續志二十四卷起咸豐癸丑訖宣統辛亥總目
悉沿郭志子目間有增併則因時爲之舊志遺者
旁搜所及補入各門別爲刊誤二卷附諸簡末此
纂修之大略也敘例已見郭志至辦事之波折採

順德縣志

目錄

三

訪之困難前敘又備詳之舉不復贅邑人潘鼎亨
謹識

順德縣志卷一

輿地畧 分區緣起 山川 風俗 物產

分區緣起

縣屬十區之制萌芽於光緒十年甲申時法攻越南籌辦團防因創議分縣屬為十團募勇以時訓練事定後勇雖裁撤而厥制相沿光緒末年劃分自治區域十區之名遂定往時四十堡所統之村多移隸者矣今將現制分列於左

第一區所統之村曰大良入大良堡曰古樓曰佩岡曰甘源即甘園

曰小洞曰鹿門即大門曰紅廟曰大邑即大嶧曰黃岡曰碩岡曰

樟岡即張岡曰沙田曰柵口曰田心曰馮園曰福田曰北村曰

大岡曰細岡曰大壘曰金陡即金斗曰塘下曰古鑑以上入古樓堡曰

沙頭曰白石曰霞川曰南涌曰蜀岡即獨岡曰南畔曰大吉曰

順德縣志 卷一

輿地

舊寨曰背岡曰小塘曰小灣以上入小灣堡凡三十四村縣冊採訪冊

謹按郭志小灣堡有東村三家今東村併入舊寨三

家已廢

第二區所統之村曰羊額入羊額堡曰倫敦曰北海曰仕版以上入倫

教曰黎村曰熹涌即喜涌曰上直曰霞石即下直曰大洲曰雞洲

曰烏洲按郭志惟區姓所居隸番禺凡十一村

第三區所統之村曰陳村縣冊作季華曰彌教以上入龍津堡曰赤花曰

三桂曰勒竹曰馬洲曰碧江曰半浦以上入龍頭堡曰都寧即都粘曰

桃村曰綠道曰橫岸以上入都粘堡曰林頭曰廣教即乾濬亦曰玕濬曰北

濬曰簡岸曰黃涌曰綠洲即獨洲曰槎涌以上入林堡曰三洪奇曰

西城俗稱西海二村凡二十一村

第四區所統之村曰石碓入石碓堡曰登洲曰禾渚即禾樹以上入登洲堡

日潭村日大都日紺村即甘村日西濬日西淋日仙涌日莊頭

即庄頭日文海日石洲日大涌日襄水日羅坑日瀧洲即雙洲以上入

甘溪堡日清沙即西雍日高村以上入都粘堡日姓龍郭志無後增凡十九村

謹按郭志石碯堡十三村北岸冲園馮岸涌口潘壘壚步五屋直涌海邊洲子霍村今皆統於石碯矣

又郭志登洲堡有上涌今統入登洲又有鶴洞今不

列想已歸併

第五區所統之村日水藤日楊濬日羅沙日沙邊日湜海日

岑屯即岑村以上入水藤堡日葛岸日良教即良濬日理教日馬濬日沙

濬日明羅日教德日新隆以上入葛岸堡日平步日上華即沙寮日小

浦俗名小布即桂圃日騰涌日荷村日大整以上入平步堡日小涌即小里日

岳步以上入登洲堡日上僚即上寮日水口日上陳村即細陳村以上入甘溪堡日

順德縣志 卷一 輿地 二

鷺洲日大羅日道教日勞村即小勞日高填亦日膏田高陽日莘填即新

填以上入鷺洲堡日莘村即新村日良村日馬村日龍涌以上入新良堡日北

鴉郭志無後增凡三十六村縣册別有樂從按樂從乃墟名因平

故縣册列之究非村名故從畧

謹按郭志葛岸堡有賀豐今不列不知歸併何鄉

第六區所統之村日黃連日周易日龍村二村縣册不列而

統於黃連公約日黃麻日談義日扶間按郭志云扶間兩屬勒樓黃

則黃連統之村居今惟廖姓爲日勒樓入勒樓堡日大晚入羊額堡日

江村日塘利日眾涌日上涌日南水以上入江村堡日石涌日杜村

日沙富即沙浦日馬村即小馬日龍眼日新圍日西村日坑口日

安利日橫江日連村日西華即西了日石龍岡即石龍以上入石涌堡日

冲鶴日番村日清源日裕涌即莘涌以上入冲鶴堡日稔海郭志無後增凡

三十一村

謹按郭志勒樓堡有查涌北岸東岸沙涌樂善據採訪冊

今名大白西了南岸西岸據採訪冊今南街據採訪冊今

隔海沙西村今皆歸併勒樓又軍基寨坊名向歸勒

樓局轄近有以為村者未知立案否附此存疑

第七區所統之村曰龍江即龍江堡曰龍山即龍山堡曰甘竹右灘即

灘曰甘竹左灘曰裏海曰麥朗以上三村均郭志無後增凡六村

謹按郭志龍山堡有沙富官田沙濼岡頭岡貝旺村

海口沙洲排涌陳涌小陳涌蘇步朗田北湖蓮塘朗

頭井涌北華仙塘鳳塘村頭等名共二十一埠據今

採訪冊龍山一鄉分四圖曰一圖二圖三圖六圖以

三圖為最繁盛轄埠三日大陳涌即陳涌曰小陳涌曰

順德縣志 卷一

輿地

三

蘇埠即蘇步二圖轄埠六日排涌曰岡貝曰岡頭曰沙

洲曰海口曰旺村六圖轄埠九日朗田曰北湖曰蓮

塘曰沙濼舊志遺曰北華曰朗頭曰井頭涌即井涌曰鳳

塘曰仙塘一圖轄埠三日沙富曰官田曰村頭各埠

概統曰龍山

又按郭志甘竹堡有上村羅坑海岸石山龍田龍應

水井企石新村銅船坑西面尖岡坑口六步大塘上

街水埠大園頭長洲隔海河伯官田等名今統於左

灘裏海惟東村放牛萌今入第八區 又按第六區

縣册兼列麥朗查麥朗毗連裏海宜隸七區

第八區所統之村曰昌教曰上地曰西岸曰北頭曰光暉即

輝曰高讚曰江透以上入昌教堡曰馬齊曰光華以上入馬齊堡曰東村曰

南華即放牛萌以其在光華之南故曰南華以上入甘竹堡 日東馬甯日西馬甯以上入

甯日杏壇日麥村即大日西渚日鷺涌日羅涌以上入龍渚堡日逢

簡北村日逢簡南村按郭志云舊分上村中村下村今祇分

以上入日古粉日羅水日桑麻日霍村日上灣日安教日官

村日平甯以上入日北水日龍潭日吉祐日南朗即南日古

朗即北古朗以日馬坑郭志無凡三十四村

謹按郭志古粉堡有深濬小麥北水堡亦有小麥今

北水堡之小麥已歸併北水採訪唯深濬及古粉堡

之小麥未知歸併何村耳

第九區所統之村日倉門日沙頭以上入日白藤日馬濬日

三華以上入日渡江即渡日南面日外村日天壺即大日良

村日磯頭日橋頭以上入日上村日菱溪日對田日豸浦即

順德縣志 卷一 輿地 四

步今闕日沙浦即亭日南浦即高勒以上日福岸日星槎以

入福日霞村郭志無後增據採訪冊云馬濬原統四村日康

岸堡日霞村溪日高村日霞村日良邊村康溪梁姓在村中

左為高村高姓右為霞村高姓再右為良邊村黎姓良邊村

有華陀廟古稱分界廟左為良邊村隸縣屬右為雷邊村隸

新會兩村均黎姓今縣冊增日新圍郭志無後增據採訪冊

列霞村是由馬濬析出者日新圍云咸豐三年三華鄉梁

姓三人移居南沙是處地廣人稀同治初梁姓築一圍隄於

東北方其西南則附合於南沙之大圍故名是地日新圍面

積六百餘畝以十之二為住宅十之八為田疇至宣統三年

煙戶已達二百餘家人口約一千三百以上儼成村落矣

凡二十二村 謹按郭志江尾堡有沙路石步巷心碧灣據採訪冊云此乃明末形勢自國朝康熙復村後石步巷心已統於倉門沙路已統於沙頭碧灣一村則改屬於白藤之三華皆名之曰坊此蓋舊時名稱而郭志未及改者又白藤堡有桑樹沙溪閑步禾倉據採訪

冊桑樹現改聯芳沙溪遷徙已久閑步禾倉皆並廢
併 又郭志稱白藤堡凡七村與情事不符實則白
藤堡統十二村除七村之外尙有五村曰南山村余
姓前明鄉賢余經之里曰上村胡姓爲白藤一洲之
大族曰程門村或作誠門廖姓曰表里村廖姓曰塘裏村
黃姓以上五村皆舊志未載應補入 又郭志鼎新
堡有笏山羅鐘攷笏山舊在良村口笏山下以山爲
名今遷徙一空羅鐘今已統於南面僅成一坊 又
雲步堡有上街欖屋上屋攷上街今歸併沙浦其欖
屋上屋今歸併豸浦

第十區所統之村曰容奇曰馬岡

以上入容奇堡

曰桂洲裏村曰桂

洲外村

以上入桂洲堡

凡四村

至外東村乃辛亥後增者不列

俱同上

順德縣志

卷一

輿地

五

謹按郭志縣屬三都四十堡二百九十四村都以統
堡堡以統村此舊例也今縣屬分十區當時爲便於
聯防辦團起見但以河道地勢或分或合畫界不復
以都堡爲限故有一都之堡而分隸兩區者又有一
堡之村而分隸兩區者若概以都統區以區統堡以
堡統村則參差錯出勢難畫一今變通舊例以區統
村其村原入某堡註明腳下庶區堡村皆一目瞭然
至某村原屬某都可檢閱舊志而知之不必詳其都
而都仍不紊也今計第一區村凡三十四第二區村
凡十一第三區村凡二十一第四區村凡十九第五
區村凡三十六樂從墟市不計第六區村凡三十一第七區
村凡六第八區村凡三十四第九區村凡二十二第

十區村凡四共計村凡二百十八視郭志少七十六
雖或增或刪而歸併者多矣

右十區緣起

山川郭志已載者無庸贅述惟郭志未載而有
關地方者及郭志已載而未詳晰者錄之

華蓋山見郭志在城南半里高可十有三丈周二里與中山梯

雲拱北登俊諸山疊巖若五星下有碧華洞爲大良五山之

一前俯碧鑑街後爲隔岡下有碧華洞斜出爲華山里華蓋山簡

稱華山狀如華蓋故名近人以筆街後之山當之不知訛自何

時山上碑碣亦直書華蓋山誤矣至其下之華蓋里不過名

稱之偶合或沿俗名而誤歟攷筆街之山前後總名金榜見郭

志梁儲及陳憲祖各傳與華蓋山不相連屬採訪冊上第一區以

鰲魚岡在雞洲具體皆石突兀可觀

順德縣志

卷一

輿地

六

鍾靈山見郭志在大洲村山之東爲東隅山之西爲西隅東隅

與烏洲洪濛沙相接山麓有何姓始祖墓水抱峯朝樹木蒼

翳頗饒風景西隅與烏洲蘇姓民居毘連有廣成墟商店聚

焉山下有紫泥巡檢司署七堡義勇祠天后廟以上第二區

大霧岡在甘溪堡石洲鄉古名村心岡岡上怪石嶙峋古木

蟠錯每將雨則大霧四起故名相傳黃野人曾寄跡於此嘉

慶十八年鄉人在山下建先師廟祀之今霧亦少矣以上第四區

龍穴山見郭志在縣西北高十餘丈周二里石壁陡險古有靈

湫神物潛焉故名山麓古爲灘水石罅篙痕尙存今去水數

十武矣縣屬山惟此能出雲降雨龍江八景龍穴曉雲卽此

北爲流雲峯又爲滴水巖皆峻削艱於縱步又北爲錦巖巨

石拔起勢逾尋丈中有巖數尺奉大士巖外爲廟左右皆巨

石或平如臺或怒如貌有響石叩之鏗然葉適臺稱爲韶石
多名人題勝東爲區坑唐提督元帥區愷避武后亂故卜居
焉一名石門洞洞有巖泉眼滴水涓涓不絕邑令倪公謂山
水爲最勝人之髯者多達云

鳳山

見郭志

在龍穴山之南蜿蜒十餘里峭壁如屏五十餘仞

山巔曰金盤脈祖西樵由左輔

卽鳳尾山

突折而上爲普陀巖又

名龍巖紫雲閣建其上卽今觀音閣也巖口有石筍倒垂水
泠泠下滴有石杯不滿不竭飲之愈疾巖上護嶺怪石嶙峋
勢撐碧落尋幽者徘徊不忍去 石公巖在普陀巖左巨石
崛起其下有巖巖外爲廟窗間古木成叢綠陰如翳巖中產
小石如螺蜆相傳婦女拾之螺則生男蜆則生女云 鳴鳳
峯在普陀巖右一壁挺立小石無數遠望如蠅蚋青松敷陰

順德縣志

卷一

輿地

七

蒼翠欲滴下爲馬鞍岡

文筆峯又名尖峯在鳳山南其銳如筆嵌空玲瓏爲一鄉之
望龍江八景尖峯樵唱卽此 佛堂岡在鳳山南上有衣冠
塾古國明寺在其麓故名西爲石井岡岡下有泉經冬不竭
鎮岡在佛堂岡東一名蜃樓以其枕近東海雲氣多奇也
明正統十四年黃蕭養亂鄉人於岡上築鎮以禦旌爲忠義
卽此 獨岡在鎮岡東南全體皆石高十數丈廣數丈所謂
獨岡返照者也古有老榕垂蔭數畝名返照樹 國初猶存
今則人煙比櫛鱗次四周矣上有滴水廟

北山在鳳山北懸崖峭壁怪石巉巖峯巒插天中多古松彌
山遍谷下爲儒隱巖 屏風障在鳳山西珠岡綴之大小如
貫珠小屏風又在其西 鳳山右爲鵝峯左爲鳳尾又名左